



"HARI PAHLAWAN DAN PENGAJARANNYA"

الْحَمْدُ لِلَّهِ الْقَائِلِ: أَنْفِرُوا خِفَافًا وَثِقَالًا وَجَاهِدُوا
بِأَمْوَالِكُمْ وَأَنْفُسِكُمْ فِي سَبِيلِ اللَّهِ ذَلِكُمْ خَيْرٌ لَّكُمْ إِنْ
كُنْتُمْ تَعْلَمُونَ ﴿٤١﴾

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ،
وَأَشْهَدُ أَنَّ مُحَمَّدًا عَبْدُهُ وَرَسُولُهُ.

اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ
وَعَلَى آلِهِ وَأَصْحَابِهِ وَالتَّابِعِينَ وَتَابِعِي التَّابِعِينَ
وَمَنْ تَبِعَهُمْ بِإِحْسَانٍ إِلَى يَوْمِ الدِّينِ.

أَمَّا بَعْدُ، فَيَا أَيُّهَا الْمُسْلِمُونَ!، اتَّقُوا اللَّهَ، قَالَ اللَّهُ



تَعَالَى: يَا أَيُّهَا الَّذِينَ ءَامَنُوا اتَّقُوا اللَّهَ حَقَّ تُقَاتِهِ وَلَا تَمُوتُنَّ
إِلَّا وَأَنتُمْ مُسْلِمُونَ.

Sidang Jumaat yang dirahmati Allah sekalian,

Marilah sama-sama kita bertakwa kepada Allah SWT dengan melaksanakan segala perintah-Nya dan menjauhi segala larangan-Nya. Sesungguhnya orang yang paling mulia di sisi Allah SWT ialah orang yang paling bertaqwa. Istiqamahlah kita mengamalkan segala ajaran Allah SWT dan suruhan Rasulullah SAW. Mudah-mudahan kita beroleh kejayaan sama ada di dunia mahupun di akhirat nanti.

Kita merasa amat bertuah kerana ada di kalangan rakyat Negara ini yang telah menjadi pahlawan. Mereka mengorbankan tenaga, jiwa dan raga berjuang serta berjihad mempertahankan Negara daripada terus diceroboh, diganggu atau dijajah. Ada di antara mereka yang terkorban atau mengalami pelbagai kecederaan. Namun apa yang penting mereka telah melakukan satu tindakan yang memang selari dengan tuntutan Islam yakni mempertahankan hak dan kebenaran. Mereka tidak rela dijajah dan diperhambakan. Mereka mahu menjadi bangsa berwawasan, merdeka, berdikari, dan bebas untuk melaksanakan tuntutan Ilahi dengan aman.

Kita sangat berterima kasih kepada para pahlawan dan pejuang kemerdekaan. Bagi mereka yang beragama Islam dan telah kembali menemui Allah SWT, kita doakan semoga roh mereka di tempatkan di kalangan para syuhada' dan orang-orang soleh serta mendapat ganjaran yang baik daripada



Allah SWT. Kepada mereka yang masih hidup, kita sanjungi, hargai dan teladani keberanian dan kehebatan mereka.

Persoalannya ialah adakah kita sekadar berpuashati atau memadai dengan merayakan Hari Pahlawan tetapi tidak mengambil pengajaran daripada semangat juang mereka. Apakah majlis rasmi yang diadakan pada 30 Julai setiap tahun itu yang utama atau pengajaran daripada semangat kepahlawanan para pejuang itu yang lebih penting untuk diketengahkan sehingga dapat dilaksanakan oleh generasi sekarang. Sesungguhnya kita amat memerlukan rakyat berjiwa pejuang yang sanggup melakukan transformasi, kreativiti dan inovasi bagi membangun ummah dan Negara.

Sidang Jumaat yang dirahmati Allah SWT,

Dalam sejarah Islam, banyak yang boleh kita contohi daripada Tokoh-tokoh Pejuang yang terdiri daripada lelaki mahupun wanita yang telah mengorbankan tenaga, jiwa raga, harta benda dan masa bagi menyampaikan dan memartabatkan Islam di mata dunia. Sifat kepahlawanan mereka yang mantap, jitu, istiqamah dan luar biasa telah berjaya menghayati pelaksanaan Islam syumul yang telah memberikan nikmat kemakmuran, keamanan, keadilan dan kesejahteraan yang telah dirasakan oleh seluruh umat manusia.

Namun, melihat kepada keadaan gejala sosial yang sedang melanda kita seolah-olah kehilangan arah. Jauh sekali untuk melakukan perubahan, pembaharuan dan kemajuan. Lebih menyedihkan lagi generasi kini ada yang terlibat dengan dadah, sumbang mahram, judi, zina, membuang masa dan merempit. Di satu pihak yang lain masyarakat kita sering mengadu-domba, penganiayaan, dengki, khianat dan tidak amanah serta menyalahgunakan kuasa.



Dalam konteks ini telah digambarkan oleh Rasulullah s.a.w. melalui sabdanya yang bermaksud :

"Umatku akan ditimpa penyakit-penyakit yang pernah menimpa umat-umat dahulu. Sahabat bertanya: "Apakah penyakit-penyakit umat terdahulu itu ya Rasulullah?. Rasulullah s.a.w. menjawab: "Penyakit-penyakit umat umat terdahulu ialah terlalu banyak berfoya-foya, terlalu mewah, menghimpun harta sebanyak mungkin, tipu-menipu dalam merebut harta benda dunia, saling memarahi dan hasut-menghasut sehingga menjadi zalim".

(Riwayat Al-Hakim)

Dalam suasana masyarakat yang rosak akhlaknya, biadab tatasusilanya dan rendah nilai budinya serta menyimpang jauh dari landasan syarak, bagaimana mungkin akan muncul para pejuang kebenaran yang akan tampil dengan semangat kepahlawanan tulen dan unggul?.

Maka mahu tidak mahu, kita perlu merangka agenda ke arah melahirkan generasi berciri pahlawan yang mempunyai daya juang, berintegriti, amanah, sabar, kental dan terus mampu mencurahkan bakti bagi membanteras segala bentuk kemungkaran dan kerosakan yang sedang melanda Negara. Maka sudah tentu sebagai jawapannya kita perlu kembali kepada mengamalkan segala nilai berteraskan Islam yang telah terbukti berjaya mewujudkan kebahagiaan dan keharmonian sejagat.

Sebahagian dari kita amat bertuah kerana telah diberikan hidayat oleh Allah SWT menganut agama Islam. Maka sebagai seorang Islam, kita hendaklah menjadikan tawhid sebagai tonggak ke arah melahirkan individu Muslim yang mampu menjadi pahlawan dan pejuang kebenaran. Pengakuan syahadah yang kita ucapkan itu benar-benar memerdekakan kita



daripada segala bentuk kuasa dan hanya bergantung terus kepada yang Maha Kuasa, iaitu Allah SWT.

Hal ini penting ditonjolkan kerana sinar cahaya keberanian dan kepahlawanan para pejuang kemerdekaan sememangnya telah dinyalakan oleh Obor Islam. Melaluinya semangat jihad berjaya disuntik.

Namun sebelum itu penjajahan mereka telah menanam **"benih hamba"** bagi memastikan sebahagian rakyat yang dimerdekakan masih merasa penjajah itu penting, hebat, bijak, betul dan perlu dijadikan rujukan.

Sebab itu mereka yang berjiwa hamba akan berterusan dengan sikap keliru, ragu-ragu, tidak yakin diri, merasa rendah dengan nilai positif bangsa sendiri termasuk nilai mulia Islam yang dianutinya sekalipun. Mereka hanya yakin dengan segala yang ditinggalkan oleh penjajah.

Mereka sentiasa mengungkapkan bahawa apa-apa yang datang daripada penjajah itu baik belaka, kerana telah diajar dan dididik terlalu lama ke arah mengagungkan penjajah. Natijah daripada itu, lahirlah manusia yang lemah jati diri, sahsiah dan wibawa, cita rasa, pemikiran, minda, tindakan dan halatuju anak peribumi.

Ternyata Sistem Pendidikan yang wujud dan dilaksanakan sejak zaman penjajah sehingga kini secara umumnya dilihat masih belum berjaya sepenuhnya melahirkan golongan yang benar-benar bebas, yakin diri, berkarisma, berwawasan, berfikiran luas dalam kegiatan membina dan mempertingkatkan pembangunan Negara.

Begitulah natijahnya, walaupun ramai lulusan IPTA/IPTS yang tamat pengajian tiap-tiap tahun, namun sebahagian mereka tidak memiliki kesedaran



kemanusiaan dan kesedaran keislaman, yakni mereka tidak memiliki sifat-sifat seorang pahlawan.

Sidang Jumaat yang berbahagia,

Justeru, kita hendaklah kembali meletakkan Islam sebagai sumber yang boleh mendorong umat Islam menghayati erti perjuangan dan seterusnya menjadi pahlawan. Dengan menyedari bahawa Allah amat berkuasa, maka umat Islam mesti meyakini bahawa Allah sentiasa bersama dengan mereka yang sentiasa berjuang dan menjadi pahlawan Islam ke arah mengangkat syari'at Allah SWT. Contohilah ketegasan Saidina Ja'afar Ibn Abi Talib dan rombongannya ketika berjumpa dengan Najjasyi apabila beliau mengungkapkan;

"Kami tidak akan menyembah selain daripada Allah".

atau Rabi'y Ibn 'Amir, yang berkata dengan terang kepada Panglima Rustum dari Parsi;

"Kami adalah pembawa misi Ilahi untuk membebaskan manusia daripada pengabdian sesama manusia kepada pengabdian hanya kepada Allah semata-mata".

atau Bilal Ibn Rabah yang walaupun ditindih dengan batu besar di atas tubuhnya, tetapi dengan keberanian, ketabahan dan kepahlawanan sehingga mampu menyatakan kalimah tauhid ; *"Ahad! Ahad! Ahad! "*

Sesungguhnya ketiga-tiga pahlawan Islam tersebut telah memerdekakan roh dan jasad mereka daripada segala belenggu kejahilan, kesesatan, penindasan dan belenggu kehidupan jahiliyyah. Ketiga-tiga mereka sebenarnya mempunyai keimanan yang kuat.

Ketegasan sikap yang diamalkan oleh pahlawan-pahlawan Islam



memang menggambarkan sifat-sifat kepahlawanan generasi awal Islam. Mereka wajar dijadikan sumber inspirasi untuk umat Islam kini dalam melakukan kerja Islami ke arah mengajak masyarakat meyakini dan melaksana kebenaran serta kesyumulan Islam.

Mereka yang memiliki jiwa pahlawan akan sentiasa mendorong masyarakat hidup dengan mengamalkan akhlak mulia, berkasih sayang sesama bangsa, agama dan seluruh manusia. Mereka amat menyayangi, menyantuni, menghormati dan memuliakan rakan seagama dan masyarakat sekitarnya. Mereka mengamalkan apa yang dinyatakan oleh Allah SWT sebagaimana Firman-Nya dalam surah Al-Hujurat ayat 10 yang berbunyi;

إِنَّمَا الْمُؤْمِنُونَ إِخْوَةٌ فَأَصْلَحُوا بَيْنَ أَخَوَيْكُمْ وَاتَّقُوا اللَّهَ
لَعَلَّكُمْ تُرْحَمُونَ

Bermaksud: "Sebenarnya orang-orang yang beriman itu adalah bersaudara, maka damaikanlah di antara dua saudara kamu (yang bertelengkah) itu; dan bertaqwalah kepada Allah supaya kamu beroleh rahmat".

Sidang Jumaat yang dirahmati Allah,

Kesimpulannya, akan lahir mereka yang berjiwa pahlawan, memiliki kualiti unggul, bermaruah, berakhlak mulia dan berintergriti. Mereka juga bebas daripada kejahilan dan kebekuan fikiran, sentiasa hebat, mempunyai idea yang bernas dan sentiasa mengutamakan kebenaran, ehsan dan ikhlas sekalipun berhadapan dengan pelbagai kebencian daripada kumpulan penentang kebenaran. Di sinilah Islam telah berperanan memberikan sinar pencerahan yang mampu menerangi segala kegelapan minda manusia. Islam telah



mendidik jiwa perjuangan, kepahlawanan yang memberanikan mereka berhadapan dengan segala risiko keduniaan selagi ianya mendapat redha Ilahi.

أَعُوذُ بِاللَّهِ مِنَ الشَّيْطَانِ الرَّجِيمِ
وَلَا تَحْسَبَنَّ الَّذِينَ قُتِلُوا فِي سَبِيلِ اللَّهِ أَمْوَاتًا بَلْ أَحْيَاءُ عِنْدَ
رَبِّهِمْ يُرْزَقُونَ ﴿١٦٩﴾

(i 'Imran:169)

Bermaksud: "Jangan sekali-kali engkau menyangka orang yang terbunuh (yang gugur syahid) pada jalan Allah itu mati, (mereka tidak mati) bahkan mereka adalah hidup di sisi Tuhan mereka dengan mendapat rezeki".

بَارَكَ اللَّهُ لِي وَلَكُمْ بِالْقُرْآنِ الْعَظِيمِ، وَنَفَعَنِي
وَإِيَّاكُمْ بِالْآيَاتِ وَالذِّكْرِ الْحَكِيمِ وَتَقَبَّلَ مِنِّي
وَمِنْكُمْ تِلَاوَتَهُ، إِنَّهُ هُوَ السَّمِيعُ الْعَلِيمُ.

أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي وَلَكُمْ
وَلِسَائِرِ الْمُسْلِمِينَ وَالْمُسْلِمَاتِ، وَالْمُؤْمِنِينَ



وَالْمُؤْمِنَاتِ، فَاسْتَغْفِرُوهُ، فَيَا فَوْزَ الْمُسْتَغْفِرِينَ وَيَا
نَجَاةَ التَّائِبِينَ.

HMYH/hhas**



KHUTBAH KEDUA

الْحَمْدُ لِلَّهِ الَّذِي جَعَلَنَا مِنَ الْمُسْلِمِينَ، وَرَزَقَنَا مِنَ
الطَّيِّبَاتِ. أَشْهَدُ أَنْ لَا إِلَهَ إِلَّا اللَّهُ وَحْدَهُ، لَا شَرِيكَ لَهُ،
وَأَشْهَدُ أَنَّ مُحَمَّدًا عَبْدُهُ، وَرَسُولُهُ.

اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى
آلِهِ وَصَحْبِهِ وَمَنْ تَبِعَهُمْ بِإِحْسَانٍ إِلَى يَوْمِ الدِّينِ.
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ فَقَدْ فَازَ الْمُتَّقُونَ.
قَالَ اللَّهُ تَعَالَى: إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ
يَا أَيُّهَا الَّذِينَ آمَنُوا صَلُّوا عَلَيْهِ وَسَلِّمُوا تَسْلِيمًا.

اللَّهُمَّ صَلِّ وَسَلِّمْ عَلَى سَيِّدِ الْمُرْسَلِينَ وَارْضَ اللَّهُمَّ عَنْ
أَصْحَابِهِ وَقَرَابَتِهِ وَأَزْوَاجِهِ وَذُرِّيَّاتِهِ أَجْمَعِينَ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ



الْأَحْيَاءَ مِنْهُمْ وَالْأَمْوَاتِ، إِنَّكَ سَمِيعٌ قَرِيبٌ مُجِيبُ
الدَّعَوَاتِ يَا قَاضِيَ الْحَاجَاتِ. اَللّٰهُمَّ اِنَّا نَسْأَلُكَ وَنَتَوَسَّلُ
إِلَيْكَ بِنَبِيِّكَ الْأَمِينِ، وَنَسْأَلُكَ بِأَسْمَائِكَ الْحُسْنَى وَصِفَاتِكَ
الْعُظْمَى أَنْ تَحْفَظَ بَعَيْنِ عِنَايَتِكَ الرَّبَّانِيَّةِ وَبِحِفْظِ وَقَايَتِكَ
الصِّمْدَانِيَّةِ، جَلَالَةَ مَلِكِنَا الْمُعْظَمِ سُلْطَانَ سَلَاعُورِ، سُلْطَانَ
شَرَفُ الدِّينِ اَدْرِيسِ شَاهِ الْحَاجِ ابْنِ الْمَرْحُومِ سُلْطَانَ
صَلَاحُ الدِّينِ عَبْدِ الْعَزِيزِ شَاهِ الْحَاجِ.

اَللّٰهُمَّ اَدِمِ الْعَوْنَ وَالْهُدَايَةَ وَالتَّوْفِيقَ، وَالصِّحَّةَ وَالسَّلَامَةَ
مِنْكَ، لَوْلِيَّ عَهْدِ سَلَاعُورِ، تَعَكَوْ أَمِيرِ شَاهِ ابْنِ السُّلْطَانَ
شَرَفُ الدِّينِ اَدْرِيسِ شَاهِ الْحَاجِ فِي أَمْنٍ وَصَلَاحٍ وَعَافِيَةٍ
بِمَنَّكَ وَكَرَمِكَ يَا ذَا الْجَلَالِ وَالْإِكْرَامِ. اَللّٰهُمَّ أَطْلُ
عُمْرَهُمَا مُصْلِحِينَ لِلْمُوظَّفِينَ وَالرَّعِيَّةِ وَالْبِلَادِ، وَبَلِّغْ
مَقَاصِدَهُمَا لِطَرِيقِ الْهُدَى وَالرِّشَادِ.



Ya Allah, Engkaulah Tuhan yang Maha berkuasa, kami bersyukur kehadiran-Mu yang telah mengurniakan kami rahmat dan nikmat, sehingga kami dapat meneruskan usaha ke arah memperkukuhkan negara umat Islam khususnya negeri Selangor, sebagai negeri yang maju, sejahtera dan berkebahjikan.

Justeru kami pohon kehadiran-Mu Ya Allah, tetapkanlah iman kami, tingkatkanlah amal kami, kukuhkanlah perpaduan kami, murahkanlah rezeki kami, kayakanlah kami dengan ilmu yang bermanfaat, suburkanlah jiwa kami dengan budi pekerti yang mulia, kembalikanlah kami ke jalan yang Engkau redhai, lindungilah kami daripada ujian-Mu yang berat seperti kemarau panjang, banjir besar, wabak penyakit, persengketaan, kemiskinan dan lain-lain, supaya dengan demikian, negeri kami akan sentiasa bertambah makmur dan berkat.

رَبَّنَا هَبْ لَنَا مِنْ أَزْوَاجِنَا وَذُرِّيَّتِنَا قُرَّةَ أَعْيُنٍ وَاجْعَلْنَا
لِلْمُتَّقِينَ إِمَامًا. رَبَّنَا ءَاتِنَا فِي الدُّنْيَا حَسَنَةً وَفِي الْآخِرَةِ
حَسَنَةً وَقِنَا عَذَابَ النَّارِ.

عِبَادَ اللَّهِ، إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايَ ذِي
الْقُرْبَىٰ وَيَنْهَىٰ عَنِ الْفَحْشَاءِ وَالْمُنْكَرِ وَالْبَغْيِ
يَعْظُمُ لِعَلَّكُمْ تَذَكَّرُونَ ﴿٩﴾



فَاذْكُرُوا اللَّهَ الْعَظِيمَ يَذْكُرْكُمْ وَاشْكُرُوهُ عَلَى نِعَمِهِ
يَزِدْكُمْ، وَاسْأَلُوهُ مِنْ فَضْلِهِ " يُعْطِكُمْ وَلَذِكْرُ اللَّهِ أَكْبَرُ
وَاللَّهُ يَعْلَمُ مَا تَصْنَعُونَ.